

欽定剿平三省邪匪方略

欽定剿平三省鄂匪方略正編卷一百五十一

庚申年

二月十五日

戊戌

那彥成德楞泰恒瑞奏言賊匪

自汪家山奔竄因官兵緊追兜住北面復折而

南西南可達伏羌東南可達秦安並有戴家營

分出蔡掌櫃一股亦自黑河竄來合夥

臣

那彥

成隨緊躡前進

臣

恒瑞帶領總兵凝德等於二

十九日自揚山川分路由秦安兜截二月初二

日途次據民人稟知賊匪已從太平嶺折竄伏

羌縣城鎗聲不絕

臣

恒瑞以該縣並無官兵防

堵恐賊乘虛攻撲卽帶兵趕赴救援及抵伏羌

始知該縣城上試演鎗礮遂致訛傳有賊其時

總兵凝德等帶兵四百名防護鍋帳在後行走

離大隊尙有四十里適遇賊匪三四千人竄至

右手山梁官兵以寡不敵衆稟請徑往伏羌趕

歸大隊疑懼面加曉諭隨親率將弁帶兵四百
名排列一小山包上賊匪見官兵人少從大梁
壓下蜂湧而至官兵排鎗抵禦斃賊三十餘名
又有騎馬賊匪繞至後路撲上官兵兩面受敵
不能分擊疑德射死二賊力竭陣亡叅將七德
保蘇克東阿遊擊陸兆熊都司巴金保守備穆
起榮同時陣亡並陣亡受傷弁兵九十餘名

臣

恒瑞自伏羌聞信帶兵馳回正遇賊匪迎來奮力截擊殺賊六十餘名時已昏黑賊始竄去是

日臣那彥成自蘇江溝地方二鼓拔營前進偵

知賊匪在八里灣柳樹溝屯紮其前股賊匪在牛蹄鎮下店子屯紮相聯十餘里當卽趕緊馳

往初三日黎明行至八里灣山上賊匪熟睡未

醒令扎克塔爾綸布春桑吉斯塔爾侍衛江鼎

等帶兵往剿賊見官兵已至齊聲驚喊村內賊匪遂足狂奔柳樹溝內有賊匪百餘人持白旗趕出被我兵層層圍裏復退回村中民房伏匿一一搜出殺斃其時牛蹄鎮賊匪業經聞信齊上秀金山排列接應迎拒官兵該處土山連續有五層山梁左右皆有路徑可通我兵乘勝追賊連搶兩山包賊匪矛手從第三層山梁拚命

撲來施放鎗礮我兵奮力迎擊直搶過第五層
山梁奪獲大礮四尊方欲趕下而對面山梁大
隊賊匪又分爲三股一股從正路抗拒兩股從
兩旁埋伏抄截扎克塔爾等分投截殺猶有兇
悍賊匪搖旗吶喊以綿襖蒙首持矛低頭撲進
扎克塔爾帶兵突衆壓下有一賊直前戳傷所
騎馬匹吉林領催常安急放一鎗擊斃此賊受

傷之馬倒而復起扎克塔爾乘馬復戰又有騎
馬賊匪趕來常安運放兩鎗將賊匪人馬全行
擊斃綸布春復衝入賊隊有持黑旗賊匪數人
持矛直刺經綸布春連射數賊始稍却退固原
兵丁齊放排鎗各領隊及侍衛章京將弁等往
來衝壓多次所殲者盡係白布纏頭真正教匪
在山包上又斃三百餘名賊匪抵敵不住敗回

高高山梁臣德楞泰臣恒瑞俱帶兵兩路趕來

賊卽紛紛滾巖逃竄兩次打仗共殺賊四百八

十餘名割認首級內有辛聰之弟三元帥混號

弔弓子一名拏獲探馬頭趙迎祥一名活賊舒

吉才等二十五名又官兵等趕殺賊匪捉獲幼

孩多人詢明實係川匪子弟及現無親屬者仍

給官兵外其餘三百餘名係賊匪在甘所擄已

令地方官派委妥役送回各莊給親完聚查北
竄賊匪原係王廷詔楊開甲一股與辛聰辛斗
等合成大股自前次剿殺後向西南奔竄又與
蔡掌櫃等一股合夥此次復經官兵擊敗各股
已過渭河南岸竄往秦州西南並詢據活賊供
稱有官兵鎗箭利害不如仍回四川之語惟西
路寧羌禮縣一帶賊匪屯聚之處與鞏昌伏羌

和近仍恐窺伺東北

臣

德楞泰已帶兵躡剿王

延詔等股賊匪

臣

那彥成卽取道伏羌迎擊寧

遠等處賊匪總期東西兩路之賊均可不致北

竄以期迅速殲除奏入

上命軍機大臣傳諭那彥成曰甘省竄匪因官兵逼剿折向南竄經那彥成等緊躡前進在秀金山分路截殺斃賊四百八十餘名且皆白布纏頭真正

教匪所辦甚好那彥成前在隴州痛殲賊匪之後
兵威已震士氣奮揚是以躡蹤追剿連次克捷看
來那彥成一路已經得手可期乘勝直前將賊匪
速行撲滅此次德楞泰恒瑞祇係隨後趕到帶兵
協剿而搶佔山梁往來衝壓施放排鎗俱係那彥
成所帶兵丁實爲奮勇出力該兵丁等自在陝剿
賊以來未經獎賞今於打仗得勝後此次又復殺

賊多名深爲可嘉所有那彥成本隊兵丁著加恩
賞給一月錢糧以示鼓勵其帶兵奮勇各員內札
克塔爾本係御前侍衛副都統已加恩陞授護軍
統領綸布春桑吉斯塔爾二人亦已加恩補授副
都統實缺並著那彥成傳知伊三人俾其倍加感
奮領催常安著加恩以藍領侍衛陞用至德楞泰
已節次諭令由階文一帶前赴川西著卽帶兵迅

速前往其所追王延詔上撥賊無現亦有所回四
川之語德楞泰如能順路剿殺固屬甚善但此時
川西情形較甘省甚爲著重其現在甘境之賊著
那彥成與恒瑞酌籌或分或合併力截擊俾德楞
泰得以速赴川西爲要至那彥成連次打仗已操
勝勢惟當督率官兵趕緊相機截擊本年雖係閏
四月節氣稍遲但一交夏令氣候炎熱兼有雨水

泥濘之處那彥成當與額勒登保會商務須於雨水未盛之前將各股竄匪速行剿盡勿再遲延所有在途遇賊打仗陣亡之總兵凝德叅將七德保蘇克東阿遊擊陸兆熊都司巴金保守備穆起榮俱著咨部賜卹

同日姜晟奏言查湖南省標鎮協營統計舊額新添兵丁共二萬八千餘名此內苗疆各營未

便派調其餘營分除留防苗疆未撤并先後調
往北省協剿外現在存營兵丁多不足數而相
距北省較遠各營長途徵調又恐緩不濟急

臣

再四酌籌應卽於撫提兩標及附近協營內抽
調一千名當經派定營分名數飛咨護理湖南
撫臣通恩分飭照數挑選尅日起程並查長沙
協副將滿倉屢經出兵可用卽派令帶領迅赴

湖北軍營一面知會提臣王柄照辦查弘豐王
凱帶兵協剿計期應可抵襄以資明亮等相機
截擊現調湖南各兵催令接續前來不致遲緩
臣亦卽兼程馳赴襄鄖一帶察看情形與松筠
明亮等熟籌妥辦奏入

上命軍機大臣傳諭姜晟曰姜晟奏抽調兵丁一千
名尅日起程伊亦兼程馳赴襄鄖一帶該處現有

賊匪滋擾姜晟並非帶兵之員不責以打仗之事
途間宜加意持重昨已有旨令松筠迅速行走卽
赴楚北姜晟惟當與松筠明亮等察看賊情相機
籌酌務將湖北竄匪卽在該處截淨方爲妥善倘
賊匪因逼剿緊急捨命狂奔不拘竄往何處明亮
必當帶兵隨賊所向跟蹤追躡以期速就殄除現
在弘豐所調滿兵五百名及王凱前調兵一千名

加以湖南兵一千名合之倭什布現有兵勇已不
爲少倘尙需兵力姜晟仍當於湖南通省各營內
再行酌量抽調兵一千名迅速前赴湖北軍營以
資剿辦

十六日

已亥

廣興奏言

臣

欽奉

諭旨令將前此所裁鄉勇究在何處據實覆奏查各
州縣起事之初官兵一時未能雲集不得不招

募鄉勇以壯聲威但出征兵丁有姓名可稽營
分可考卽一名亦不能假借鄉勇一項止係隨
時招募不過僅係總數各州縣多報數目從中
染指不能保其必無偶聞點驗之信不論何人
均可臨時僱募充數塞責本易滋弊是以魁倫
到任之初卽通行飭查令將何縣已裁若干名
現設若干名具報查核

臣

來川後各州縣陸續

將現設數目通詳彼時賊匪在通江南江巴州
等處滋擾川東止有張子聰等一股遊奕其久
無賊蹤之處不便冗設徒費錢糧

臣

職司糧餉

錢糧出入是所專責至各處鄉勇是否可以酌
裁抑或尙須防堵係與軍務有關本應經略專
政惟是經略日日追賊無暇兼顧各州縣一切

文稟俱係通詳

臣

與魁倫近在同城卽糧餉事

務亦均與該督彼此熟商始行批發實未敢一人獨出已見至所裁各處鄉勇均在川東或係該局議裁或係各州縣自行議撤間有批令將是否尙可裁減之處交局核議亦總以該道府所議爲憑斷不敢妄行辦理惟南部縣地方該處久無賊匪冗設鄉勇二千五百名之多臣核查案卷係奉勒保福寧札於上年七月設立一

千名其餘飭令裁減乃該縣並未遵照轉爲請

領八月以後鹽糧經臣嚴行批飭不准給與將

札文送與魁倫閱看該督以鄉勇窮民延擱半

年未能生計此時若不找清一旦概令歸農恐

致別生事端臣以其所言近理況此事誤於該

縣之固執已見有意抗違與鄉勇原屬無干是

以令該局核計共需銀一萬二千二百餘兩卽

時找發清楚札行遵照原議裁撤而該縣不覆
不辦又致拖延時日復行請領錢糧臣曾向魁

倫提及若該縣仍執意如前事難中止並非卽

欲効叅臣惟有仰體

皇上不爲已甚之心凡遇有劣員悉令其改過自新
無如積習相仍一時不能悛改是以冒昧將知
府言朝標等三人陳奏卽典史周國樞並不遵

照奏准章程辦理意圖含混雖係佐雜微員

正

不敢冒昧移咨亦不敢遽請革職統俟覈算清
楚再行辦理至所裁鄉勇係有案卷可查茲一
併咨送軍機處聽候查核奏入

上命軍機大臣傳諭廣興曰魁倫縱賊渡江滋擾川
西其咎甚重亦不待廣興復行叅奏即使廣興此
時爲彼曲求寬貸亦難輕貸廣興當生憐彼之心

不可再存傾軋之念惟將川西一切軍需妥爲接濟使之速滅教匪則彼既可減罪廣興亦得邀恩若存幸災樂禍之心有意掣肘欲圖傾陷快其私忿倘糧運稍有匱乏以致魁倫貽悞軍務則廣興之罪更重於魁倫矣至裁撤鄉勇一節廣興亦毋庸曉曉置辯惟當與托津專心辦理軍需務期源源接濟化去私心方不負朕之恩訓昨據定住奏

稱分解餉銀四十萬兩起程赴川其兩淮浙江解
川餉銀在鳳寶一帶停待者亦著廣興卽爲催集
統計達州軍儲已約有銀五六十萬兩足資目前
應付倘尙有不敷昨已降旨於部庫中撥銀一百
萬兩解交山西巡撫伯麟存貯藩庫聽候撥用廣
興如有急需之處卽一面奏明一面飛咨伯麟以
此項餉銀係奉旨令伊酌撥伯麟自必派員解往

但祇可咨取二三十萬卽多亦不得逾五十萬兩
其餘尙須留備陝甘各撥之用再一切軍需廣興
當悉心籌畫其應行減省者固當加意樽節亦不
可過於苛刻現在賊旣闌入川西成都省城亦應
籌備先福如有咨撥之項著一體應付不可遲悞
俟兩月後察看情形如定住所解餉銀及山西備
用之銀尙有不敷再行據實具奏

同日

上命軍機大臣傳諭額勒登保那彥成德楞泰曰川
西重慶潼川各府地方蕃庶爲賊匪素所窺伺今
一旦乘間竄往該處百姓又未築堡防守自必肆
行焚掠前日魁倫摺內卽稱蓬溪附郭村莊燒燬
並見有被賊殺害屍身之語則賊匪兇焰頓張荼
毒生靈不知凡幾朕心深爲憫惻寢食不寧前川

匪竄往甘境據郡彥成奏賊匪裹掠牛羊馬匹有
二三千之多甘肅地方瘠薄尙且如此何況川西
富庶之區乎至村民被其迫脅畏死貪生附從者
又不可勝計況菁華所聚皆在川西自剿辦川東
川北邪匪以來雖所用軍需銀兩由部庫發往及
各省協撥亦全仗川省西南爲之接濟茲賊匪渡
江滋擾附近地方已被刦掠室廬蕩然焉能接濟

川東川北賊匪有日增之勢而官兵多支絀之虞
如此滋蔓難圖何日始能竣事朕晝夜焦急刻不
能耐惟望德楞泰接奉前旨星夜趕赴川西幫同
魁倫上緊剿辦以川西甘肅目下賊情而論甘省
卽無那彥成兩次痛殲之事亦當以川西爲急德
楞泰必應迅速趕往況甘省連獲勝仗已經得手
額勒登保現在帶領多兵又有廣厚吉蘭泰慶成

等率領甘涼兵協剿該處兵多將廣又何需德楞
泰一人前此額勒登保冒昧徑赴甘省德楞泰又
接續前往經畧叅贊同時離川以致賊匪乘間搶
渡嘉陵江擾及川西完善之地伊二人已難辭咎
此時德楞泰務須加緊加快速赴川西現又催令
勒保前往帶領現調黔兵幫同剿辦若能卽在川
西地方將竄匪全數撲滅固所深望否則亦當鑒

賊折回川江之東北以便合力剿除勿使賊匪在
川西蔓延此爲至要

上又命軍機大臣傳諭魁倫曰賊匪分股奔竄川西
富庶之區被其焚掠裹脅其勢更張魁倫自當起
緊籌辦以挫賊鋒朕於數千里外時刻焦慮寢食
不寧豈魁倫目擊情形竟坐守蓬溪任賊奔竄乎
目下賊匪究竟竄至何處潼河一帶是否防堵嚴

密魁倫如何設法截擊務當迅速馳奏以慰朕心
不得稍有粉飾又蹈從前軍營積習該督旣不能
預防江岸使賊乘間搶渡咎無可辭然亦不可心
忙意亂以致中無把握惟當知愧知感與德楞泰
勒保併力同心上緊截擊再阿哈保前與朱射斗
在高院場剿賊朱射斗遇坎落馬被傷陣亡阿哈
保帶領馬隊衝圍而出自係敗衄退回本當按軍

律治罪卽上年跟隨額勒登保在青字亞剿賊被
賊匪繞至山後突入鍋帳隊內以致官兵多有傷
亡亦係阿哈保疎于防範之咎今朕不加嚴譴仍
留副都統之任已屬格外施恩現在貴州兵陸續
到川著交阿哈保分帶與施縉協力剿賊倘再有
疎懈必當從重治罪況阿哈保係朕在藩邸時伺
候舊人尤應倍加愧奮著魁倫傳諭阿哈保令其

戴罪立功以觀後效

上又命軍機大臣傳諭勒保曰現在川西軍務情形
着重已前後調派貴州兵丁五千名赴川協剿並
據常明覆奏派令總兵施縉帶領赴川已節降諭
旨催令德楞泰由甘境帶兵馳往川西此時魁倫
在彼竟有束手無策之勢實不足恃施縉雖素稱
奮勇但川省情形恐未熟悉勒保在川有年又與

施縉相識添此生力黔兵剿辦自更得力著勒保
卽星速馳赴川西催集黔省兵丁會同德楞泰施
縉將川西各股賊匪痛加殲戮以期剿除淨盡

臣等謹案此次賊匪竄過川西固由魁倫堵
禦失宜而額勒登保德楞泰同時赴甘亦未
免顧此失彼

皇上睿謨廣運

指示周詳於廣興之陳辯則

當以勿存幸災樂禍之心以期妥爲接濟迅掃氛孽
而軍情之輕重緩急

洞燭不遺

特命德勝泰星速馳往川西並

命勒保帶領黔兵幫同剿辦伏讀

諭旨以川西地方蕃庶經賊匪肆行焚掠荼毒生靈

不知凡幾

連心爲之寢食不寧仰見民依厯於

實耳

仁聲溢於絲綸所由

大庥滋至而人爭効命也

十七日

庚子

弘豐奏言

臣

於二月初七日奉到

諭旨以倭什布近日未將賊匪是否逼出楚境情形

奏到令

臣

帶兵前往剿同松筠剿辦當卽於是

日起程復將預備後起官兵五百餘員名亦令

按起前進以足一千名之數併發傳單號稱帶

領滿漢官兵五千冠日卽到一路飛傳以壯聲

勢途中接據探報聞賊匪竄至均穀一帶勢已

東趨襄陽甚關緊要

臣

兼程前進十一日趕抵

襄陽兵丁因雨雪濘滑現在陸續而至詢悉賊

匪已仍折回西竄潛奔房縣山內襄陽因有官

兵到來人心稍定

臣

先接明亮知會囑調兵一

千名或八百名前赴剿辦竊思川亮久慣戎行

臣

實未嫻軍旅正喜得有依藉茲到襄陽知明

亮又奉

旨前赴川省而松筠尚在未到况遇賊東竄必須自
東堵截今重兵皆在西面東路未免空虛房穀

一帶山險路雜臣帶兵一千名究屬單薄未便

深入現派協領富魁帶領弁兵在襄陽迤西之

茨河紮營遏賊東竄併防偷渡臣暫駐襄陽相

機調遣擇要防堵一面知會松筠于到境日卽

行關照以便前往會辦適又接據保康縣知縣

稟報賊匪於初九日戌刻竄至該縣高家舖臣

恐其南竄遠安勢又逼近荆門就現在所帶官

兵內分撥五百名派協領巴克坦布管帶馳往
荊門堵截遏其東南一路奏入

上命軍機大臣傳諭弘豐曰前已降旨令明亮不必
前赴四川速回湖北剿辦竄匪此時自可馳抵襄
陽松筠計日亦可到彼著弘豐將所帶滿兵交與
松筠明亮管帶弘豐卽遵照前旨速回荊州本任
至松筠明亮未到之先弘豐應飭令帶兵之協領

等實力堵截勿令賊匪竄向東北爲要

上又命軍機大臣傳諭松筠明亮曰弘豐奏帶兵趕抵襄陽途次接據探報賊匪竄至均穀一帶仍折回西竄潛奔房縣山內與前此吳熊光奏報相同惟弘豐以房穀一帶山險路雜所帶兵一千名尙屬單薄未便深入已形畏怯僅派協領富魁帶領在襄陽迤西地方紮營堵禦又因賊匪有擾近保

康之信弘豐恐其南竄遠安復將所帶官兵分撥
五百名派赴荆門堵截是其兵力又未免分而見
單全不知行軍之道前因弘豐年老又未經行陣
已令於到襄後卽將所帶滿兵交明亮管領弘豐
仍回荊州本任此時明亮松筠自己先後到楚著
明亮卽將弘豐派在襄陽堵禦之兵五百名先行
帶領截剿再將荆門防堵之兵五百名一併酌調

會同松筠由東而西相機剿務將各股竄匪卽
在楚境設法殲除不可令其折竄出境亦不可又
任賊匪竄入山內其前調王凱之兵及續調湖南
官兵並著松筠明亮再行嚴催令其迅速到齊以
便分投截擊肅清楚境

欽定剿平三省邪匪方略正編卷一百五十二

庚子

二月十八日

辛丑

額勒登保那彥成奏言

臣

額勒

登保由莊浪靜寧秦安一帶星馳前進初九日

與

臣

那彥成在觀子鎮會合查甘省之西南岷

州西固階州文縣等邊境處處毗連番界而階

文以南均通四川龍安其洮州緊接岷州等處

則又在岷階之裏層迤東則係成縣徽縣兩當

爲人陝棧道之路目下各股竄匪經臣那彥成

兩次截剿已不敢竄向東北惟西面一帶節據

地方官稟報岷州之賊多向禮縣逃竄而階州

之賊又延及洮岷邊界趨向未定德楞泰所剿

之楊開甲等股向成縣奔逃疊據探報德楞泰

在成縣之殺家河余家坡等處斬獲甚多甘省

之賊現在以禮縣爲最重其次則在洮岷慮其

仍竄西北若全從禮縣進發則洮岷之賊或轉
在我兵之後又爲牽綴臣等再四思維將現有
兵力酌分三路綸布春桑吉斯塔爾楊遇春爲
一路岱森保格布舍穆克登布爲一路由禮縣
分投進擊其洮岷一路亦關緊要派恒瑞慶成
等爲一路卽從寧遠一帶前進非惟杜其竄赴
鞏昌之路如果賊匪有折竄龍安之勢亦可從

西固文縣覓路抄截恐禮縣之賊被剿情急復

折向北臣那彥成現帶札克塔爾等由柳家壩

地方遏截賊匪北竄並策應禮縣進發官兵如

賊已南竄臣等卽會同相機逼進以期不致再

有延蔓此現在籌辦甘省賊情也至臣額勒登

保前此奏請前來陝甘實緣接有松筠來信以

竄匪等勢甚熾張不得不親自督兵剿辦維時

川中僅有冉添元徐添德張子聰等股賊匪是以交德楞泰魁倫剿辦嗣德楞泰追賊入陝不能卽回川省竊計魁倫一路尙有兵八千餘名兼有七十五等帶領兵勇五千人以之截剿各股賊匪卽或一時不能撲滅亦當不致別生枝節孰料臣甫經離川該匪等于正月十五日卽有竄過嘉陵江之事此實辦理不善所致

呈主帥不立加治罪而寸心負疚無地自容茲恐魁
倫一路官兵未能撲滅查德楞泰所剿楊開甲
等股賊匪已屬有限應交吉蘭泰剿辦現在官
兵又俱向禮縣而進去成縣不遠更可爲吉蘭
泰聲援臣額勒登保已飛行知會德楞泰卽日
帶原領馬步官兵或由畧陽或由徽縣何處便
捷卽由何處入棧經過廣元出劍閣梓潼一帶

迭赴川西順慶潼川與魁倫併力合擊其龍安
一帶昨據魁倫來信將夔東防堵之事交與阿
廸斯又令總兵穆克登阿趕至龍安督率嚴防
可以堵截文縣竄匪自能得力甘省之賊我兵
緊剿卽或折回川境官兵亦卽尾隨斷不能任
其衝突此現在籌辦川省竄匪之情形也又接
淮台布來信因恐賊匪東竄入豫已赴商州一

帶相機迎扼實爲得要

臣

額勒登保又已咨會

台布務于鎮安商州妥爲攔截以堵爲剿萬勿
使賊匪竄豫其五郎漢陰一帶尙有竄散餘匪
並嚴飭各鎮將等上緊堵剿惟接倭什布來信
前竄竹谿之賊已入房縣查該處帶兵大員如
總兵孫清元本係惡經行陣可當一面而賊匪
已竄房縣該處路近荆襄必須從歸州巴東興

山進兵一路方可合擊現有總兵王凱已撥兵
一千餘名追剿不日松筠赴楚臣額勒登保已

咨明松筠由陝酌帶兵丁前往剿辦并嚴飭慶

溥溫承惠等遇有竄匪務須不分畛域趕緊截

殺此又兼籌陝楚之情形也臣等合兵一處惟

有和衷協力將甘省竄匪剋期剿淨彼時或入

陝入川亦必妥商辦理再調任四川布政使楊

揆同慶成帶兵由天渠鎮前來臣等已將該官

兵酌量抽撥交慶成帶領隨同恒瑞進剿慶成

久懋戎行於軍務可期得力其餘官兵俟廣厚

到來交令帶領防堵至臣額勒登保前在四川

王家壩舊病復發頗形委頓惟時以賊匪竄入

陝甘趙程行走至達州地方病體大愈不料行

入棧道鳳縣寶雞一帶胸膈不舒氣喘殊甚探

聞竄甘賊匪有北趨之勢不得不力疾趨程趕
抵秦縣之二十里舖五六日間飲食少進遍身
疼痛肌肉消瘦據醫家診視係血枯肝旺心氣
虛怯之症業經服藥數劑尙不見效惟心中不
致昏迷且當此剿賊萬緊之時何敢一息稍懈
已嚴飭帶兵將領上緊剿賊俟養息數日病勢
稍覺輕減仍卽親往督師

額勒登保那彥成又奏言臣那彥成自督兵剿

賊以來滿漢武職官弁隨同打仗多有實在出

力之員因節次未能痛殲賊衆不敢遽行保奏

昨於龍山鎮汪家山秀金山等處連次剿殺各

股賊匪將領等無不勇往爭先倍加奮勉前經

奏明俟與額勒登保會同查核昨復欽奉

諭旨令將出力人員查明具奏仰見

皇上垂念戎行有功必錄至意茲謹於任事出力滿
漢人員內詳加查核有應請分別

施恩者共計三十五員各謹開具名單恭呈

御覽奏入

上命軍機大臣傳諭額勒登保那彥成曰旬餘以來
未接額勒登保奏報朕心日深懸盼今據奏剿辦
甘省及陝楚竄匪情形並與那彥成會合商辦且

於未奉諭旨之先已知會德楞泰卽日趕往川西
所辦俱好惟所稱現患血枯肝旺心氣虛怯之症
殊爲厯念額勒登保素稱勇往帶兵赴甘斷無在
途延緩之事旬餘未得奏報朕早料及必係舊病
復發今果如此增朕系懷現今伊姪福忠阿帶同
御醫田廣福前赴軍營診視賞給人參半觔以資
服用並賞親佩小荷包一個如朕親臨問疾此時

額勒登保惟當在秦州安心調養不可力疾督師
伊身體素弱卽病體痊愈亦著御醫同福忠阿留
彼調護用示體卹前次勒保任經暑時以未經親
身打仗獲咎原因勒保並無疾病惟知在達州株
守是以將伊治罪今額勒登保實因患病暫住秦
州與勒保迥不相同額勒登保斷不必因此稍存
顧慮惟前次遽行離川以致賊匪搶渡嘉陵江西

岸實不能辭咎但伊係接准松筠知會因竄甘賊
匪有二萬餘人事關緊要彼時卽係力疾趕在
在急公朕亦不加深責現在額勒登保派撥各路
兵將分投截擊皆合機宜岱森保竟不必赴陝所
有剿辦竄匪之事及各路官兵均交那彥成管帶
督辦額勒登保係屬經畧在秦州駐劄亦應酌留
官兵防備倘賊匪經由該處伊仍可派往堵剿卽

作爲一路守禦之兵亦屬有益至湖北竹谿一帶
賊匪已有明亮王凱等幫同剿辦松筠赴楚原不
必酌帶官兵前往況陝甘亦何曾有兵可帶也至
經畧印信自仍係額勒登保掌管其欽差大臣關
防著那彥成暫行留用

同日

上諭內閣曰龍山鎮汪家山秀金山等處連次剿殺

各股賊匪將領等無不爭先倍加奮勉三等侍衛
謨馨著賞給烏訥爾巴圖魯名號委護軍叅領麟
麟保著賞給額喀斯巴圖魯名號仍照例各賞銀
一百兩西安佐領官保防禦英林俱著賞換花翎
吉林協領布蘭太防禦英保黑龍江佐領畢勒屯
察俱著賞戴花翎吉林驍騎校法林太委官哈豐
阿德奇訥領催達哈蘇常安馬甲達海富唐阿扎

昆保黑龍江領催溫德衣德凌阿觀音保委驍騎
校塔親保委官伊勒當阿前鋒莽德俱著賞戴藍
翎吉林驍騎校托衣那着以額外防禦陞補馬甲
訥爾布德保黑龍江領催尼三保西安前鋒巴格
俱着以額外驍騎校陞用遊擊李殿元守備屈端
守備銜千總馬正雄著賞換花翎遊擊馬鳴玉守
備楊正明著賞戴花翎千總李建雄把總趙勇外

委滕泗張聞喜著賞戴藍翎以示鼓勵

同日魁倫奏言查賊匪自高院場接仗後卽分

爲兩股一奔鹽亭南部等處一奔太和鎮射洪

一帶沿途焚搶

臣

自蓬溪縣起營接據太和鎮

通判連彭年稟報署射洪縣知縣張鳴鏐聽聞

賊匪逼近民心驚惶恐力難防堵自縊身死河

北居民均已先期逃避賊匪知有大兵前來不

及搶渡亦向鹽亭一帶奔竄

臣

當卽渡河沿岸

紮營一面安撫居民一面委候補知縣符元魁
接署射洪縣事查太和鎮先有由省派撥防河
滿漢官兵五百餘員名所有滿兵二百五十名
多係老弱恐其不能得力因飭令仍回省城駐
防卽於臣所帶官兵內酌留三百八十餘員名
共湊爲五百三十餘名防守太和鎮河岸其射

洪縣城距鎮四十餘里城臨河岸該縣存兵不多因卽留官兵二百餘員各防守臣於次日卽

由河岸拔營自太河鎮沿河行走察看河道至潼川府縣長一百三十餘里淺灘可渡之處共四五十處而自潼川上至縣州二百五十餘里淺灘更多雖經通飭地方官嚴密巡防間段設有剽團義勇但地勢旣長人數亦單有鞭長莫及

及之勢不得不暫留官兵防守

臣

逐一履勘形

勢相度要隘酌量留兵每處或數十名或百餘

名計自太和鎮至緜州三百餘里內共派官兵

四千二百餘員名又緜州爲進省通衢恐賊匪

由保寧一帶直趨緜州復派官兵五百餘員名

前往駐守

臣

因潼川爲緜州射洪適中之地正

是鹽亭趨省來路將

臣

現帶之馬步官兵二千

五百餘名暫於近城之鳳凰山紮營兩日內見
沿河居民復業甚衆飭令地方官妥爲安輯卽
於居民中團集壯勇設卡防河專委隨營之建
昌道劉清親巡各處董率其事一俟所集團勇
到卡卽將留防官兵以次撤回聽用初七日據
鹽亭縣稟稱賊氛甚近該縣雖有前撥兵二百
名而土城卑小恐難防守請遣派兵救援當卽

派撥官兵五百餘名前往又據鹽亭縣稟稱賊
人南部縣境該署令王贊武率領鄉勇堵禦於
花牌樓地方遇賊打仗互有殺傷王贊武業已
被賊戕害同時又接據保寧府知府德福稟稱
蓬州南部一帶河東河西均有賊匪滋擾人民
紛紛逃赴保寧城內城外亦住紮萬餘人尙有
接踵而至者若不乘時妥爲安頓或恐別生事

端請於保寧局內准提存留賑卹銀四五千兩
飭令閬中縣妥爲賑放

臣

當卽批委署南江縣

知縣喬維新就近往署南部縣事一面批令該

府卽於保寧局存留撫卹項下提銀撫卹至前

調七十五一路官兵因接其來信有樊掌櫃等

股賊匪竄楚現在堵剿之語恐其未接

臣

咨之

先業經赴楚不能兼顧川省是以

臣

於咨調黔

省官兵三千名之外復飛札派員前赴巴塘里塘明正木坪綽斯甲松岡卓克采梭磨等各土司飭調土兵三千六百名約計雖不能足數諒可得二千名此兩路俱係生力之兵可期得手本日據七十五咨稱正月二十八日接到臣檄調官兵咨文因與阿廸斯會商以嘉陵江以西之賊較之傘子坪白沙河散股之賊爲更重卽

照前咨留兵五百名交阿廸斯添防大寧七十
五帶同總兵李紹祖統兵四千五百餘員各於
二十九日自大寧起程往合州一帶前來等語

臣

當復飛札囑其取道順慶以便迎擊鹽亭南

鄩等處賊匪

臣

於沿河留防各兵撤回後亦卽

派撥前往與七十五會合爲兩路夾攻之計至

軍需銀兩上年冬間先後兩次蒙

撥賞撥二百八十萬兩內江西所撥三十四萬二千
六百六十兩已由楚入川經達州局兌收支用
其餘均未解到當此萬分緊要之際臣於途次

飛咨廣興於達局存貯餉銀內動撥四十萬兩
以二十萬解赴省城其順慶重慶兩府各以十
萬兩分貯備用旋准廣興咨稱此時潼順最爲
緊要先以十萬解赴順慶以五萬解赴重慶臣

並卽就近行文省局飭查現存軍需銀兩據該
局總理之署藩司先福等稟稱本局實存軍餉
銀四萬七千四百六十二兩零均於中下兩旬
已發過各廳州縣撥解各處備用之需除連次
飛咨陝省催令速解來川以濟急需外似此種
種爲難之處臣惟有盡心竭力籌畫辦理日盼
兵餉到來度幾以制以措冀有成效

魁倫又奏旨查額勒登保赴陝奏令臣剿辦川

省賊匪額勒登保於十二月二十九日到達州

與

臣

面商一切正月初額勒登保起程始將分

派各官兵數目酌定交臣帶領彼時達州僅有

留存守城兵勇未領帶往當卽行文調取總兵

百祥朱射斗兩路官兵初五日百祥所帶之兵

始行到齊而該兵等均係在達州調養傷病甫

愈派往東鄉太平一帶守護糧臺之兵衣履器械均須畧爲料理是以初八日始自達州起程及行抵雷音鋪接據朱射斗來信稱已帶兵由南江一路前來該鎮之兵又因支領前欠鹽菜銀兩耽延一日始克會合前進初時探聞新寧梁山等州縣地方有敗竄餘匪在彼游奕所以撥解餉銀及雲貴解川之馬均暫行停住自應

先爲疏通道路嗣復探知有上年在貓兒壩經
額勒登保剿擊後派令穆克登布追剿之王登
廷餘黨及徐添德匪衆在大竹隣水等境散竄
十二月二十四五間尙未追及而穆克登布復
奉額勒登保調回隨同赴陝以致無兵追剿及
至臣馳抵隣水賊衆已竄往江北合州界內復
接定遠縣稟報賊已渡江臣卽由隣水取道由

廣安岳池順慶渡江追趕賊已前奔蓬溪地界
至賊匪搶渡過江情形查定遠縣與合州相距
不遠正月十二以後連日大雨維時合州之滙
壩等處居民因賊氛逼近逃避絡繹十五日夜
賊匪卽乘雨在定遠縣屬石板沱地方冒稱逃
難之民先則叫喊渡船旋即見水過河將渡夫
數人殺斃卽搶船駕渡並據該縣稟稱嘉慶二

年間王三槐羅其清等滋擾時設有鄉勇一千
名嗣因賊去裁撤三年以後皆係賊近隨募賊
去隨撤四年王登廷擾至廣安州境時該縣有
團勇一千八百三十名六月間奉福寧行令裁
撤此後並未再募且上年秋間該縣各鄉寨落
悉已修竣民俱遷移入寨此次初聞河東合州
一帶賊警並奉臣札飭該縣召募鄉勇居民均

已守寨一時無人應募是以賊匪搶渡之時石

板沱地方並無鄉勇堵禦臣在達州時屢飭地

方官相度緩急情形將鄉團壯勇酌量增減裁

留而廣興總以撙節餉項鄉勇糜費爲辭始則

尙與臣商酌後竟自行飭令裁汰臣非不知無

事之區安設鄉勇誠爲糜費但量度形勢有未

能遽行裁撤者是以臣前次卽以江左鄉勇固

未便裁撤卽江右鄉勇亦藉以守城防河未便
分移之語上達

宸聰

臣

身爲本省總督何敢藉此以爲諉過之地至
賊匪渡江一節實係正月十五日在定遠縣之
石板沱地方搶渡前在江北廳一帶屢經親伺
賴沿江地方官防守嚴密未得徑渡並非從前
已渡地方官漫無知覺至是始見竄擾佈詞稟

報其沿河船隻本經通飭停泊南岸但賊匪先
過數人將渡夫殺害其餘各船畏懼卽不敢抗
拒此亦實情至龍安松潘一帶爲甘省入川門
戶臣自抵川以來節經嚴飭該府及該將弁等
實力稽防隨時馳報昨因賊匪擾及畧陽有赴
甘搶馬直趨成都之語卽飛調穆克登阿由夔
州馳赴龍安白水江等處茲奉

曰以穆克登阿一人豈能得力其白水江等處原駐

兵勇究有若干令臣詳晰覆奏查賊匪現在竄

至甘肅階州地方與松潘南坪營所屬之柴門

野豬等關並達舍蒲龍甲霧等處相近先經派

有松潘鎮屬各營兵丁五百餘名協同番漢鄉

夫防守嗣又派有松梓平疊等營兵二百名統

共七百餘名飭令署遊擊之叅將增順帶領防

廣復飛調維州協兵一百名赴松聽候調度策
應而甘省文縣所屬之碧口陸路可通龍安廣
之摩天嶺黃土嶺等處水路直達白水昭化一
帶前經派令千總侯有智領兵二百五十九名
在碧口玉壘關二處分防又下游至中廟行店
石林溝三處有都司恒慶帶兵二百名在彼防
守又下至姚家渡安兵一百名白水河安兵四

百九十名分署都司常慶千總蒲尙賢分防並
於淺灘渡口抽派弁兵添設卡堆礮位但沿河
綿亘山路歧雜恐兵力較單之處難以堵禦昨
據署龍安府黃爲霖遊擊劉國剛等稟稱已飭
令平武縣知縣張百春添雇壯健鄉勇協同捍
衛臣現復於省標各營派兵五百名委守備胥

耀宗帶領前往松潘柴門關一帶防堵穆克登

阿自夔州前來未經帶兵諒不過隨從數十人
到松潘時自有該處將弁兵勇可資調度七十
五已於二十八日接到臣咨卽於二十九日自
大寧帶兵取道重慶前來茲復蒙

皇上飭令德楞泰由廣元昭化帶兵回川並令勒保
馳赴甘省與額勒登保面商酌分兵力卽由彼
處來川會剿臣實不勝慰幸忭躍之至奏入

命軍機大臣傳諭魁倫曰賊匪搶渡嘉陵江西岸
勢難撲滅閱魁倫所奏情節朕心實深焦急官
肝不安此時魁倫分撥官兵在太和鎮至綿州一
帶逐段防堵該督於潼川近城之鳳凰山駐紮遏
賊由鹽亭趨省來路亦祇可如此辦理至前調貴
州官兵計算陸續可到川西今魁倫又飭調土兵
三千六百名並准七十五來咨該提督已帶同總

吳時紹祖統兵四千五百餘名自大寧起程前來
魁倫飛札囑其取道順慶以便迎擊鹽亭南部等
處竄匪現在魁倫惟當於潼川一帶分飭官弁認
真防堵勿使賊匪竄過潼河以致完善之區遭其
蹂躪一面嚴密守禦一面飛催黔兵士迅速趨
行一俟七十五里順慶趕到即可爲兩路夾攻之
計至署射洪縣知縣張鳴篋聽聞賊匪逼近卽畏

懼自縊身死事前毫無展布臨事惟一死塞責殊
屬怯懦無能無庸置議署南部縣知縣王贊武率
領鄉勇堵禦遇賊打仗致被戕害此人官聲本好
實屬可惜着咨部議卹再所調黔兵土兵及七十
五帶赴川西之兵原爲剿賊之用魁倫不得藉防
堵潼河爲辭不行帶領打仗爲擁兵自衛之計卽
魁倫現在分布潼川至綿州防河各兵一俟團集

鄉勇到卡亦當撤回軍營打仗不可令其株守河
干置之無用之地現又催令德楞泰勒保迅速赴
川不日諒可趕到此時魁倫惟當在潼河一帶實
力守禦倘稍有疎懈使賊匪乘間偷越是魁倫既
不能預防嘉陵江西岸又不能守住潼河則罪上
加罪斷難再邀寬宥者魁倫以本省總督身膺軍旅
重寄總應以殄滅賊匪有裨國事爲重倘因賊勢

曰張束手無策竟思冒昧前進輕捐軀命冀得仰邀恩卹是魁倫生前旣獲重愆卽死後亦必遭冥譴彼時朕不但不加恩給予廕襲並治伊子嗣應得之罪卽如此次畏賊自縊之知縣張鳴鏞徒死無益魁倫非知縣微員可比更不能因冒昧陣亡得邀卹典若果能持以鎮定嚴守潼河俟各處團集鄉勇到卡後撤出防兵並一面飛催現調各兵

奮勇截剿將竄匪卽在川西地方殲淨自可稍贖
罪愆總之賊匪在川西多滋擾一日則該處生靈
慘遭荼毒魁倫之罪卽日重一日此魁倫禍福轉
關所當熟思審計也再賊匪搶渡嘉陵江時係定
遠縣地界該縣孫熙不能認真防堵以致賊匪渡
江後勢益猖獗罪實難寬前經降旨令魁倫據實
查參想此旨早經接到著魁倫卽將該縣孫熙嚴

行發奏至魁倫一路軍需應用若干卽向廣興支
取不虞稍有缺乏又據奏此股賊匪由合州竄至
定遠搶渡嘉陵江情形摺內稱該州縣原有團勇
一千八百餘名上年六月間經福寧裁撤然則此
非廣興擅裁鄉勇之罪福寧彼時自因嘉陵江一
帶賊蹤甚遠爲節省糜費起見量爲裁撤不爲無
罪現已將伊犁仍發伊犁効力但上年嘉陵江岸並

無賊匪搶渡裁勇已隔半年有餘今因大兵全赴
甘境疎於防範至有此次搶渡之事額勒登保與
魁倫均難辭咎而魁倫係本省總督接辦額勒登
保軍務之人不能妥爲布置過將誰諉乃魁倫仍
以廣興爲詞試思伊卽有悞行裁撤之處賊匪並
未由彼處竄渡較之魁倫之罪孰重孰輕魁倫惟
當上緊辦賊以明勉贖前愆耳

上又命軍機大臣傳諭勒保曰據魁倫奏川西賊匪
自高院場接仗之後分爲兩股一竄鹽亭南部等
處一竄太和鎮射洪一帶沿途焚掠勢甚猖獗嗣
聞大兵到彼不及搶渡其分往太和鎮射洪一股
賊匪亦向鹽亭奔竄魁倫在彼束手無策實不可
恃着勒保於沿途接到此旨星夜馳赴川西上緊
剿辦並着催調貴州兵丁迅速趕到不可片刻遲

延勒保惟當督率將領併力截擊將川西各股賊
匪痛加殲戮以期剿除淨盡至七十五前據倭什
布調赴湖北竹谿一帶幫同剿賊七十五並未前
往續據魁倫咨調帶兵由重慶一路進剿七十五
係本省提督乃接到此信亦未卽速前往已降旨
令勒保查奏如查得七十五有遷延逗遛情事卽
行嚴叅具奏再阿廸斯以本省將軍大員於川西

京匪情形漠不關心從未有一字奏及且帶領多
兵在大學閒住據稱率同總兵德英額在彼防堵
究竟防堵者何賊著勒保嚴查如有捏飾亦卽嚴
叅具奏又阿哈保前與朱射斗在高院場剿賊朱
射斗打仗陣亡阿哈保帶領馬隊衝圍而出著勒
保將高院場打仗情形及阿哈保如何敗退並近
日是否奮勉之處詳悉查明一併據實具奏

同日

上諭內閣曰福寧前在旗鼓寨殺降一事究緣投出
之人倉猝難信設計誘殺尙屬有因是以免其發
往伊犁作爲兵丁在軍營効力贖罪現又據魁倫
奏報賊匪搶渡嘉陵江西岸竟係福寧裁撤鄉勇
所致其罪實不可恕福寧着仍發往伊犁不必留
營効力以示懲儆

同日台布奏請臣由商州拔營前進行至山陽
探知川匪已竄至黃龍舖一帶查黃龍舖在山
陽之西南一通鎮安大路一通商州一通鄖西
皆係小道計賊匪不奔商州必奔鄖西兩處兼
顧方無疎失隨於初六日派協領富盛阿叅將
滿洪阿都司黃瑞等隨同總兵劉之仁帶領奮
勇兵一千一百名獵戶練勇一千二百名不帶

帳房各攜三日乾糧由通鄭西小路迎擊

臣

暫

於適中之九里坪紮住計點存營雜項兵四百五十名鄉勇六百餘名虛張聲勢將該鎮等及兵丁留存帳房重爲支起夜間派隨從家丁匠役每一人分管兩架至三四架多點燈火

臣

周

圍巡察營外遙望毫不覺爲兵單該鎮劉之仁等於初七日行次歸龍岡探知賊匪合爲一股

先分五六百人作爲前隊正向通郎西小路之
東川滋擾遂於初八日五鼓起行分爲兩路一
由溝內一翻山梁迎頭遏擊執旗賊目一見官
兵鳴鑼集衆抵死攻撲山上官兵乘勢下壓溝
內官兵橫衝賊隊鎗礮矛戳殺賊二十七名生
擒二十二名奪獲刀矛旗幟騾驢等什賊衆回
向原路狂奔官兵仍由兩路合追至羅家河川

賊大股實有七八千人在彼屯聚該鎮卽令將
弁壘上山梁佔住險要鄖西鄉勇隨亦前來幫
同助勢鄖西縣知縣孔繼梓亦帶練勇守住隘
口齊放號礮賊衆以後隊作前隊繞至通商州
小路奔竄

臣

於初九日巳刻接劉之仁進兵之

信料及賊匪必折向商州小路密令義勇首張

以義帶勇五十名飛速迎隊

臣

卽移營繼進另

派卿勇賁帶燒餵乾糧接濟劉之仁一路官兵
令往鎮安攔截張以義行至六十里時已傍晚
果見賊匪約數百人迤邐上山該義首等從樹
林內出其不意大聲吶喊賊衆慌忙退下山坡
亦向原路奔回拏獲活賊王勝昌等一十三名
於初十日午刻解送到營訊據供稱此股號五
家營部是各股餘黨雜湊男婦大小約共七八

千人時分時合不能確記實數內白蓮教鹽梟
咽喉匪約三四千頭目亦多管我等頭目各黃之
輔趙世泰因在漢江南岸探聽大兵都往甘肅
乘間躡淺過江想到河南算計官兵必往鄖西
一路攔截我等折回繞至商州卽在官兵之前
可以衝往河南令我等前來探路不期猝被拏
獲餘無要供均行正法此次官兵打仗除斬獲

外計投出被裹難民二百六十餘名飭令訊明
釋放並大張告示如有未及投至大營者准赴
附近州縣自首概免深究其陣亡鄉勇張良材
一名亦已照例賞卹賊蹤現竄往鎮安西南

臣

距鎮安九十餘里尙可抄至賊前惟有督率鎮
將趕緊截擊總之東北兩面勿致竄近最爲目
前緊要全在兵勇得力

臣

調取沿山獵戶鎗法

既準又善扒山已得三百餘名伊等原係打牲
爲業未肯受雇因照鄉勇口食給發臣已自行

捐廉貼補不致多糜公項至陝省軍需現值萬

緊凡夫馬騾匹鉛丸火藥鑼鍋帳房以及官兵

衣履米糧麵石悉於西安省局籌備藩司馬慧

裕老成鎮靜足資料理但有臣衙署代印事件

及本任收發錢糧等事經手較多軍需要務得

有熟手幫助尤有裨益陞任臬司台斐音到陝
最久經理最熟惟有懇求

皇上天恩俯念時地緊要飭令台斐音於請

訓後仍來陝省照江西藩司廣厚留辦甘省軍務之
例幫辦陝省軍需俟大局稍定再赴新任於地
方軍務洵爲有益奏入

上命軍機大臣傳諭台布曰川省賊匪因大兵前往

甘肅踰淺過江雖各股素有賊八千人但婦女幼孩居其大半其中真係邪教及鹽梟咽喉匪不過三四千人經台布派令協領富盛阿等帶領兵勇二千餘人由通鄖西之小路迎擊台布於九里坪紮營多支帳房盛點燈火以助聲勢所辦甚好現在賊匪竄往鎮安西南台布抄至賊前截擊不令延至東北兩面所見亦是看來陝境之賊台布剿辦

尚有把握此時鼓勵兵勇乘勝兜截儘力逼向西
南能於陝境辦竣方爲妥善至該省兵丁雖不爲
多然他處調派亦緩不濟急前已有旨令伯麟將
晉省兵丁挑派二三千名於蒲州駐紮備調若台
布酌量情形現有兵勇足資辦賊卽可無庸添調
設又有別處竄來賊匪兵力實有不敷卽一面咨
調一面奏聞可也至台斐音已調補陝西藩司令

於遠次轉回正可令其辦理軍需也